

UPRAVA DRUŠTVABroj: U.D.01.04.-18698/22
Sarajevo, 01.12.2022.godine

GENERALNA DIREKCIJA

Na osnovu člana 70. stav (3) Zakona o javnim nabavkama, člana 45. Statuta „JP BH POŠTA“ d.o.o. Sarajevo, i člana 14. stav (2) Pravilnika o javnim nabavkama "JP BH POŠTA" d.o.o. Sarajevo, Odluke Uprave društva br. 01-04-18343/22 od 23.11.2022.godine te prijedloga - preporuke Komisije za nabavku **osiguranja novca i vrijednosnica** broj: 07.4-11-9-16117-19/22 od 30.11.2022.godine, Uprava Društva na svojoj 181.elektronskoj sjednici održanoj 01.12.2022.godine, d o n o s i:

O D L U K U
O IZBORU NAJPOVOLJNIJEG PONUĐAČA

I
U postupku javne nabavke **osiguranja novca i vrijednosnica**, ovom odlukom se vrši izbor najpovoljnijeg ponuđača **ponuđaču Sarajevo-osiguranje dd Sarajevo** sa vrijednošću ugovora u iznosu **49.613,16 KM bez PDV-a, odnosno ukupnu vrijednost ugovora do 58.047,40 KM sa uračunatim PDV-om;**

II
Izabrani ponuđač je dužan u roku od 5 dana od dana prijema ove odluke dostaviti dokaze predviđene članom 45. Zakona o javnim nabavkama u formi i sadržaju kako je to zahtijevano u tenderskoj dokumentaciji ovog postupka nabavke. Dokazi moraju biti fizički dostavljeni na Protokol ugovornog organa najkasnije peti dan po prijemu odluke o izboru, u radnom vremenu ugovornog organa (do 16:00 sati), te za ugovorni organ nije relevantno na koji su način poslani. Dokazi koji se zahtijevaju moraju biti originali ili ovjerene kopije.

III
Po okončanju roka za žalbu odnosno po pravosnažnosti ove odluke, ugovorni organ će pozvati izabranog ponuđača, radi zaključenja ugovora kojim će se regulisati međusobna prava i obaveze vezane za predmetnu nabavku, u skladu sa zahtjevima - uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

O B R A Z L O Ž E N J E:

Na osnovu Odluke o pokretanju postupka javne nabavke **osiguranja novca i vrijednosnica** broj:U.D-01.04-16316/22 od 21.10.2022. godine i Rješenja Generalnog direktora o imenovanju Komisije za nabavku, broj: 01-11-9-16117-2/22 od 24.10.2022. godine, proveden je konkurentski postupak javne nabavke, objavljivanjem Objaveštenja o nabavci broj: 238-7-25-658-3-139/22 dana 03.11.2022. godine na Portalu javnih uz objavljivanje tenderske dokumentacije, tako da su svi zainteresirani ponuđači mogli preuzeti tendersku dokumentaciju.

Komisija je provela javno otvaranje ponuda u postupku predmetne nabavke dana 15.11.2022. godine u 12.¹⁵ sati, u prostorijama Generalne direkcije "JP BH POŠTA" d.o.o. Sarajevo, o čemu je sačinjen poseban Zapisnik o otvaranju ponuda, koji se dostavlja u prilogu ovog Izvještaja.

Nakon izvršenog otvaranja pristigle ponude, Komisija je pristupila analizi i utvrđivanju validnosti ponude, obzirom na zahtjeve ugovornog organa iskazane u tenderskoj dokumentaciji, odnosno vrednovanju ponude, u skladu sa procedurama i pravilima utvrđenim Zakonom o javnim nabavkama i podzakonskim aktima i Pravilnikom o javnim nabavkama ugovornog organa, broj: U.D-01-3.2-5233/15 od 04.03.2015. god.



Analizirajući otvorenu ponudu Komisija je konstatovala sljedeće:

Da je ponuđač **Sarajevo-osiguranje dd Sarajevo** dostavio ponudu sa ukupnom vrijednošću bez uračunatog PDV-a od 49.493,16 KM koja nakon prihvaćene ispravke računске greške iznosi 49.613,16 KM bez PDV-a. Dostavljena ponuda ispunjava sve zahtjeve ugovornog organa definisane u tenderskoj dokumentaciji tj. ispunjava sve formalno-pravne, tehničke i ekonomske uslove, te je shodno tome ocijenjena prihvatljivom za ugovorni organ i može biti predmet vrednovanja. Međutim procijenjena vrijednost nabavke je bila 49.500,00 KM a dostavljena ponuda 49.613,16 KM tako Komisija konstatuje da dostavljena ponuda prelazi planirani budžet i raspoloživa sredstva u iznosu od 113,16 KM.

U skladu sa gore pomenutom Odlukom o pokretanju nabavke te cijeneći činjenično stanje, Komisija se obratila Nosiocu posla – Službi za pravne kadrovske i opće poslove aktom br: 07.4-11-9-16117-16/22 od 18.11.2022.godine da se izjasni da li da se da prijedlog Upravi društva da se odobre dodatna sredstva (113,16 KM) i nakon toga predloži donošenje odluke o izboru, kako bi se mogao okončati predmetni postupak nabavke.

Kako se Nosilac posla aktom broj. 07.4-11-9-16117-17/22 od 21.11.2022.godine izjasnio da se dostavi Upravi Društva prijedlog donošenja odluke o dodatnim sredstvima sa stavke 33.3. Plana Javnih nabavki za 2022.godinu, Odjeljenje za javne nabavke je uzimajući u obzir prethodno navedeno i analizu ponuda, predložilo Upravi Društva da donose Odluku o izmjeni i dopuni plana javnih nabavki kao i Odluku o odobravanju dodatnih sredstava za realizaciju nabavke u iznosu od 113,16 KM bez uračunatog PDV-a.

Uprava društva je donijela Odluku o odobravanju dodatnih finansijskih sredstava za realizaciju nabavke **osiguranja novca i vrijednosnica** br. UD 01.04-18343/22 od 23.11.2022.godine

Cijeneći činjenično stanje Komisija konstatuje da je za javnu nabavku osiguranja novca i vrijednosnica, pristigla ukupno jedna prihvatljiva ponuda za Ugovorni organ.

Ugovorni organ je za predmetnu nabavku predvidio provođenje E-aukcije ali s obzirom na to da je pristigla ukupno jedna prihvatljiva ponuda te cijeneći Pravilnik o uslovima i načinu korištenja E-aukcije član 3 stav 3, Ugovorni organ neće zakazivati E-aukciju već će nabavku okončati u skladu sa članom 69. Zakona.

Na osnovu gore navedenog, a shodno utvrđenom kriteriju „najniža cijena“, Komisija utvrđuje rang-listu ponuđača sa uračunatim popustom i bez PDV-a, kako slijedi:

1. **Sarajevo-osiguranje dd Sarajevo..... sa cijenom 49.613,16 KM**



Obzirom da ponuda ponuđača **Sarajevo-osiguranje dd Sarajevo** u potpunosti odgovara traženim tehničkim zahtjevima ugovornog organa, i da ovaj ponuđač ispunjava sve formalno-pravne, tehničke i ekonomske uslove odnosno zahtjeve ugovornog organa, odnosno da je njegova ponuda prihvatljiva za ugovorni organ, data je preporuka ugovornom organu da se u predmetnom postupku javne nabavke izvrši dodjela ugovora navedenom ponuđaču.

Cijeneći navedeno donesena je odluka kao u dispozitivu.

PRAVNA POUKA: Svaki ponuđač koji ima legitiman interes za konkretan ugovor o javnoj nabavci i koji smatra da je ugovorni organ u toku konkretnog postupka dodjele ugovora prekršio jednu ili više odredbi Zakona o javnim nabavkama i /ili podzakonskih akata ima pravo uložiti žalbu ugovornom organu u roku od 5 (pet) dana po prijemu odluke o izboru, shodno članu 99. i članu 101. Zakona o javnim nabavkama.

**GENERALNI DIREKTOR****mr. sci. Mirsad Mujić**

Dostaviti:

- Služba za pravne, kadrovske i opće poslove (Nosilac posla)
- Sektor za EKF poslove
- Služba Marketinga (za objavu)
- Odjeljenje za Javne nabavke
- Ponuđačima putem Odjeljenja za Javne nabavke
- arhiva UD
- a/a

